

ejus eo magis se debere profiteretur Ecclesia, quo majora sunt pericula, quibus se cingi animadvertit, atque opus habet sinceris operariis, strenue in vinea divina laborantibus, talibusque pastoribus, quibus rem suam tuto credere, & salutem suarum animarum committere possit. Ad quem scopum uti nostrorum Antecessorum, qui in gaudio Domini aeterno jam constituti sunt, sudores, vigiliis, atque curas omnes tetendisse constat, idque documento non uno haud difficulter probatur; ita in eo stadio & nos decurrimus Numinis gratia, & perseveraturi sumus constanter, nihil aliud habentes pro fine, quam gloriae nostri Doctoris Summi Jesu Christi amplificationem, & commoda Ecclesiae, quae in propagatione verbi genuini per idoneos Doctores & ministros in cathedra & suggestu perficienda, reponuntur. Unde etiam in Domino nostro laetamur, quod, ubi bonitatem ejus, Ecclesiae suae per factam a D. LUTHERO Reformationem largissime exhibitam, cujus magnitudo omnem ingenii nostri vim captumque transcendit, publice celebramus, inter ista Solennia se stiterint Viri muneris Reverendi dignitate admodum conspicui, dotibusque omnibus, quae decent Ecclesiae purioris Doctorem publicum, quamlocupletissime a Numine instructi, qui, postquam omnibus antea, quibus opus erat, speciminibus felicissime defuncti, Licentiam impetrandorum honorum Theologorum a nobis obtinuerunt, nunc ut eos honores sacros in se multa cum benedictione derivaremus, ab Ordine nostro modeste & rogarunt, & summam voti sui consecuti sunt. Novimus enim, eos ad unum omnes *amplecti puram Evangelii doctrinam, quam Ecclesia nostra uno Spiritu & una voce cum Catholica Christi Ecclesia profitetur, & abhorre ab*

B 3

*opinionibus*